

Deepak Kalpoe a entrega keho contra Beth Twitty na polis

ORANJESTAD(AAN): Despues cu DIARIO a haya sa cu Deepak a entrega un keho contra di mama di Natalee Holloway, esta Beth Twitty, DIARIO a combersa cu abogado di Deepak Kalpoe, Rudy Oomen, pa

haya sa mas riba e keho cu su cliente a entrega contra di Beth Twitty.

Segun Oomen ta berdad cu Deepak a bay duna keho na Polis contra di Beth Twitty, esaki ta pa motibo cu e mama a bin na su trabao y halsando

voz el a intimida Deepak, unda cu el a usa palabranan fuerte tambe pa menaze.

DIARIO a puntra Oomen si su cliente lo entama un caso tambe contra die mama, sinembargo e abogado a splica cu esaki no ta e caso

ainda.

E y su cliente ta laga tur cos awor den man di polis, mirando cu e ta existi pa polis tuma medida, pasobra loke Beth Twitty a haci na trabao di su cliente, no ta worde accepta mas y por perhudike, pa cu su trabao.

Abogado Mohamed

Beth Twitty a haci nada contra ley

ORANJESTAD(AAN): Manera DIARIO a publica riba Diamars, ta asina cu Dialuna e mama di e hoben Mericano desapareci, Beth Holloway a aparece na trabao di un di e hobennan kende tabata sospechoso den e caso di desaparicion di Natalee Holloway y a keda basta largo na e establecimiento pa puntre diferente pregunta.

Beth a puntra Deepak pa bise kico a sosode cu su yiu muher, mientras cu Deepak aparentemente a bira nervioso, mirando cu ta den su lugar di trabao e sra a aparece.

Sinembargo Deepak no a contesta su preguntanan.

Diamars den un entrevista di DIARIO cu un di e abogadonan di Beth Twitty esta Peter Mohamed, a check nan opinion despues cu a haya sa cu Deepak a bay entrega un keho na warda di polis, contra di Beth Twitty.

Na momento cu DIARIO a entrevista abogado

Mohamed, e no tabata na altura ainda di e keho, sinembargo el a bisa cu e no tabata na altura cu Beth tabata tin intencion di bay confronta Deepak.

Ta despues cu esaki a tuma lugar, e mama a conta e abogadonan kico a sosode. Sinembargo abogado Mohamed a bisa cu den su opinion e mama no a haci nada contra ley.

E tin derecho di haci e hoben aki pregunta riba

paradero di su yiu, mirando cu Deepak y su ruman, conhuntamente cu Joran, tabata e ultimo pesonanan cu a wak Natalee.

Segun Mohamed, ta comprensible cu un mama desespera pa haya su yiu, ta purba cualkier cos pa hayele back.

Loke ta haci e acto aki mas comprensible ainda, ta e echo cu na prome instante e hoben conhuntamente cu e otro sospechosonan den e

caso a gaña, riba kico a sosode riba e anochi di desaparicion di Natalee.

Esaki segun Mohamed kende a bisa cu Deepak ta liber di entrega keho si e kier, sinembargo Beth Twitty den su opinion no a haci nada contra ley.

El a bisa si, cu si acaso e mama bay tur dia na trabao di Deepak y haci fastioso, esaki lo por bira un problema berdad.

Caso Natalee

Apelacion contra di decision di Huez Comisario lo tuma lugar

ORANJESTAD(AAN):


Recientemente e peticion den forma di Kortgeding, entama pa abogadonan di e Kalpoe-nan y van der Sloot, a worde rechaza.

E kortgeding aki tabata pa prohibi FBI di haya tur documento relaciona cu nan clientenan, den e caso di desaparicion di Natalee Holloway.

Despues cu e peticion a worde rechaza, abogadonan David Kock, representando Satish Kalpoe, Rudy Oomen representando Deepak Kalpoe y Antony Carlo, representando Joran van der Sloot, a apela e decision aki.

Segun abogado David Kock e casonan di apelacion lo tuma lugar awe mainta cuminsando 9:30, unda cu tras di otro lo trata apelacion di Joran van der Sloot, Deepak Kalpoe Satish Kalpoe.

DEN CAMPAÑA SO DAKOTA TA CONTA PA NEL!!



BEST DEAL
PARADERA

BEST SHOPPING DEAL
TURIBANA PLAZA

LAS AMERICAS
PARIBA DI BURGER KING
(Caya Grandi)

Super Special Prijs!

Maletin pa School
Antes: 45,=
Awor: 25,= so!!!

Awe ta yeg
modelo/rei
exotico
Eenkusje y
henter fan
tambe di p
Pero esun
di su Beb
Baby ba b
mi stima
Pabien...

O Se
recon
aleha
desc
mens
conc